



經方歌括卷下

壁山黃

鈺寶臣編

男道階

道真久

校字

金匱方

○瘧濕暈方

括萇桂枝湯

葛根湯

大承氣湯

麻黃加朮湯



已上四方俱見上卷傷寒方內

麻黃杏仁薏苡甘草湯

麻杏苡仁甘草湯半兩薏苡與麻黃甘草一兩杏十箇

風濕身疼屬久傷

麻黃苡仁各半兩甘草炙一兩杏仁十箇剉麻豆大每服四錢七水一盞

半煎八分去滓溫服有微汗避風

愚按麻黃散寒薏苡除濕杏仁利氣助麻黃以驅寒

甘草補中假薏苡以去濕蓋痙病非風不成濕痺無

寒不作此風濕兼治之法也

防己黃耆湯 並加減法

防己黃耆一兩同七錢半朮五甘充大棗一枚薑四片

脈浮身重汗惡風

防己黃耆各一兩一本黃耆作一兩一分白朮七錢半甘草炙半兩剉麻

豆大每服五錢匕加生薑四片大棗一枚水盞半煎八分去滓溫服良久再服喘者麻黃加半

兩加桂三分治氣衝

氣上衝者加桂枝三分

胃中不和芍三分

胃中

不和加芍藥三分

下有陳寒細辛供

下有陳寒者加細辛三分

服後如蟲行

皮裏用被纏腰取汗通

尤在涇曰風濕在表法當從汗而解乃汗不待發而

自出表尙未解而已虛汗解之法不可守矣故不用  
麻黃出之皮毛之表而用防己驅之肌膚之裏服後  
如蟲行皮中及腰以下如冰皆濕下行之徵也然非  
耆朮甘草焉能使衛陽復振而驅濕下行哉

桂枝附子湯

白朮附子湯

甘草附子湯

白虎加人參湯

已上四方俱見上卷傷寒方內

一物瓜蒂湯

瓜蒂湯用二七枚太陽中暍此方推身熱疼重脈微弱

夏月傷冷水行皮

瓜蒂二七箇剉以水一升煮取五合去滓頓服

尤在涇曰瓜蒂苦寒能吐能下去身面四肢水氣水去而暑解此治中暑兼濕者之法也

○百合狐惑陰陽毒方

百合病諸方

百合病由百脈傷起居冒昧證難量藥投吐利如神附

頭痛參觀溺更詳汗後百合與知母百合洗漬七枚良

知母三兩遵成法泉水別煎後合嘗

名百合知母湯用百合七枚知母三

兩先以水洗百合漬一宿當白沫出去其水別以泉水二升煎取一升去滓別以泉水二升煎知母取一升後

合煎取一升五合分溫再服

誤下須求主治法百合滑石代赭湯合

仍七枚赭彈大滑須三兩各煎強

百合七枚滑石三兩碎綿裹代赭石如彈

丸大一枚碎綿裹先煎百合如前法別以泉水二升煎滑石代赭石取一升去滓合和重煎取一升五合分溫

服五合

倘因誤吐傷陰者更用百合雞子黃百合七枚如



前法一枚雞子後入將名百合雞子黃湯先煎百合如前法取一升去滓內雞子黃攪

勻煎五分温服若是未經汗吐下當用百合地黃湯合如前法

升地汁中病便如漆色漉百合七枚生地黃汁一升先煎百合如前法取一升去滓

內地黃汁煎取一升五合温分再服中病後勿再服大便當如漆一月不解變成渴百

合一升漬洗良名百合洗方以百合一升水一斗漬之一宿以洗身洗已食煮餼勿以鹽鼓也

不瘥括樓牡蠣散等分末服效異常飲服方寸七日三服變熱百

合滑石散合一滑二利便方百合一兩滑石二兩為散飲服方寸七日三微利止

服

高士宗曰百合色白味甘手太陰之補劑也其花晝  
開夜合如氣之日行於陽夜行於陰司開闔以行營  
衛和陰陽

王晉三曰本文云百脈一宗明言病歸於肺君以百  
合甘涼清肺卽此可療此疾再佐以各經清解絡熱  
之藥治其病所從來當用先後煮法使不悖於手足  
經各行之理若誤汗傷太陽者溺時頭痛以知母救  
肺之陰使膀胱水府知有母氣救肺卽所以救膀胱

是陽病救陰之法也。誤下傷少陰者，溺時漸然以滑石上通肺，下通太陽之陽，恐滑石通府利竅，仍蹈汗出之弊，乃復以代赭石重鎮心經之氣，使無汗泄之虞。是陰病救陽之法也。誤吐傷陽明者，以雞子黃救厥陰之陰，以安胃氣救厥陰。卽所以奠陽明救肺之母氣，是亦陽病救陰之法也。

陳靈石曰：病久不經汗吐下，主之百合、地黃湯者，以百合清氣分之熱，地黃洩血分之熱，亦救陰法也。百



合洗方者洗其外以通其內也食煮餅者假麥穀氣以輸津勿以鹽或者恐耗水以增渴也洗後而渴不差故用牡蠣以潛其陽樓根以生其津變熱者用滑石利小便以退表裏之熱使熱從小便出也

甘草瀉心湯

歌解見上卷傷寒方瀉心湯類

苦參湯並雄黃熏法

錄陳靈石金匱方歌

苦參湯是洗前陰下蝕咽乾熱最深

苦參一升以水一斗煎取七升去滓

熏洗

更有雄黃熏法在肛門蟲蝕亦良箴

雄黃一味爲末筒瓦二枚

合之燒向

疝熏之

陳靈石曰蝕於喉爲惑蝕於陰爲狐狐惑病乃感風  
木濕熱之氣而生苦參苦寒氣清洗之以通陽道雄  
黃苦寒氣濁熏之以通濁道苦以瀉火寒以退熱燥  
以除濕濕熱退而蟲不生矣

### 赤小豆當歸散

赤豆當歸治微煩眼眦赤黑變多般無熱汗出但欲臥  
二三升豆浸芽曝乾十分當歸漿水服

赤小豆三升浸令芽出曝乾當歸十

分杵為散漿水  
服方寸七日三  
先血後便亦無難

愚按赤豆去濕當歸養血漿水以和胃氣○本草赤

豆排癰膿當歸治瘡瘍此方用治血痔亦效

升麻不甲湯 升麻鼈甲去雄黃蜀椒湯

陽毒升麻鼈甲湯赤斑咽痛吐膿傷歸椒甘草兩俱一

升二鼈指半兩黃

升麻二兩鼈甲手指大一片炙當歸蜀椒炒去汗甘草各一兩雄黃半兩

水四升煮取一升頓服之老小再服取汗

陰毒面青喉身痛除去椒黃主此

方

王晉三云升麻升清逐穢辟百邪解百毒統治溫厲  
陰陽二病佐當歸通絡中之血甘草解絡中之毒微  
加鼈甲守護營神俾椒黃猛劣之品攻毒透表不能  
亂其神明陰毒去椒黃者恐反動厲毒也

○瘡病方

鼈甲煎丸

鼈甲煎丸治瘡宗柴胡蟻螂六分工鼈甲赤硝十二分  
五分牡丹皮夏芍癩蟲一分參歷瞿桃二蜂窠獨取四分

通三分葳膠芩薑桂扇婦朴葦大黃同煨竈下灰取一

斗清酒斛半浸灰中着甲煮令如膠漆絞汁煎藥丸如

桐空心七丸日三服老瘧得此效無窮

柴胡蜚螂螯各六分鼈甲炙赤

硝各十二分牡丹皮半夏芍藥廬蟲各五分人參葶藶

各一分瞿麥桃仁各二分蜂窠炙四分紫葳即凌霄阿

膠黃芩乾薑桂枝烏扇即射干燒鼠婦螯厚朴石葦去

毛大黃各三分右為末取煨竈下灰一斗清酒一斛五

升浸灰俟酒盡一半着鼈甲於中煮令爛如膠漆絞

取汁內諸藥煎為丸如梧子大空心服七丸日三服

徐忠可曰藥用鼈甲煎者鼈甲入肝除邪養正合煨

竈灰所浸酒去瘕故以為君小柴胡湯桂枝湯大承



氣湯爲三陽主藥故以爲臣但甘草嫌柔緩而減藥力枳實嫌破氣而直下故去之外加乾薑阿膠助人參白朮溫養爲佐痕必假血依痰故以四蟲桃仁合半夏消血化痰凡積必由氣結氣利而積消故以烏扇葶藶利肺氣合石葦瞿麥清邪熱而化氣散結血因邪聚則熱故以牡丹紫葳去血中伏火膈中實熱爲使千金方去鼠婦赤硝而加海藻大戟以軟堅化水更妙

白虎加桂枝湯

歌解見上卷傷寒方白虎湯類

蜀漆散

蜀漆散治瘧多寒陽為痰阻伏心間蜀漆雲母龍骨等

分杵先時漿水服半錢蜀漆洗去腥雲母燒二日夜龍骨等分杵為散未發前以漿水

服半錢七

王晉三曰蜀漆常山苗也苗性輕揚生用能吐雲母

在土中蒸地氣上升而為雲故能入陰分逐邪外出

於表然邪氣久留心主之宮城恐逐邪涌吐內亂神

明故佐以龍骨鎮心甯神則吐法轉爲和法矣

○中風歷節方

侯氏黑散

黑散辛苓歸桂芎參薑礬蠣三分同菊宜四十朮防十  
桔八芩須五分通溫酒調服方寸匕魚肉大蒜禁相逢

後宜冷食六十日自然藥積在腹中

菊花四十分白朮防風各十分桔梗

八分黃芩五分細辛茯苓當歸桂枝川芎人參乾薑礬石牡蠣各三分爲散酒服方寸匕日一服初服二十日溫酒調服禁一切魚肉大蒜常宜冷食六十日止卽藥積在腹中熱食卽下矣冷食自能助藥力



喻嘉言曰立方而但驅風補虛誰不能之至於驅之補之之中行其堵截之法則非思議可到方中取用礬石以固滯諸藥使之流積不散以漸填其空竅必服之日久風以漸而自息所以初服二十日不得不用溫酒調下以開其痺着以後則惟宜冷食如此再四十日則藥積腹中而空竅填矣空竅填則舊風盡出新風不受矣蓋礬性得冷卽止得熱卽行故囑云熱食卽下矣冷食自能助藥力抑何用意之微耶

徐忠可曰用參苓歸芎補其氣血爲君菊花白朮牡  
蠣養肝脾腎爲臣而加防風桂枝以行痺着之氣細  
辛乾薑以驅內伏之寒兼桔梗黃芩以開提肺熱爲  
佐礬石所至除濕解毒收澁心氣酒力運行周身爲  
使庶舊風盡出新風不受也

### 風引湯

風引湯除熱癰痼四兩大黃二牡甘滑寒赤白紫膏六

龍薑四兩桂枝三

大黃二兩牡蠣甘草各二兩滑石寒  
水石赤石脂白石脂紫石英石膏各

六兩龍骨乾薑各四兩桂枝三兩杵籠篩以葦囊  
盛之取三指撮并花水三升煮三沸溫服一升

喻嘉言曰用天黃爲君以蕩滌風火熱濕之邪隨用  
乾薑之止而不行者以補之用桂枝甘草以緩其勢  
用諸石藥之瀦以堵其路而石藥之中又取滑石石  
膏清金以伐其木赤白石脂厚土以除其濕龍骨牡  
蠣以收斂其精神魂魄之紛馳用寒水石以助腎水  
之陰俾不爲陽光所劫更用紫石英以補心神之虛  
恐主不安則十二宮皆危也明此以治入藏之風則

游刃有餘矣

防己地黃湯

防己地黃治如狂一分己甘三桂防四味杯酒漬取汁

二斤蒸地絞和嘗

防己甘草各一分桂枝防風各三分以酒一杯漬之絞取汁生地黃二斤

吹咀蒸之如斗米飯久以銅器盛藥汁更絞地黃汁和分再服

徐靈胎曰生漬取清酒汁歸之於陽以散邪熱蒸取

濃汁歸之於陰以養血此治風邪歸併於心而為癩

癩驚狂之病與中風風痺自當另看

頭風摩散

頭風摩散治頭風附子和鹽等分同沐了摩頭方寸匕

藥行到處自然通

二味為散沐了以方寸匕摩頭上令藥力行

陳脩園曰此偏頭風之治法也附子辛熱以劫之鹽

之鹹寒以清之內服恐助其火火動而風愈乘其勢

茲用外摩之法法捷而無他弊也

桂枝芍藥知母湯

桂枝芍藥知母湯三兩芍藥五兩薑桂朮知防均四兩



附甘二兩 鉅麻黃

桂枝四兩 芍藥三兩 白朮知母防風各四兩 附子炮甘草麻黃各二兩 生

薑五兩 水七升 煮取二升 溫服七合 日三服

頭眩短氣溫欲吐肢疼脚腫體

羸尪

徐忠可曰桂枝行陽知芍養陰獨製以名方者以陰

陽俱痺故桂芍知附寒熱辛苦並用而各當也

烏頭湯

烏頭湯治歷節疼脚氣痛來不屈伸者芍麻甘三兩備

烏頭五個蜜煎勻

烏頭五枚 咬咀以蜜二升 煎取一升 卽出烏頭大附子亦可黃耆芍藥麻

黃甘草炙各三兩四味以水三升煮取一升  
去滓內蜜煎中更煎之服七合不如盡服之

尤在涇曰寒濕之邪非麻黃烏頭不能去而病在筋  
節非若皮毛之邪可一汗而散者故以黃耆之補白  
芍之平甘草之緩牽制二物俾得深入而去留邪乃  
制方之要妙也

礬石湯

錄陳靈石金匱方歌

脚氣衝心礬石湯煮須漿水浸之良濕收毒解兼除熱

補却靈樞外法彰

礬石二兩以漿水一斗  
五升煎三五沸浸脚良

尤在涇曰脚氣之病濕傷於下而氣衝於上礬石味  
酸瀦性燥能却水收濕解毒毒解濕收上衝自止

○血痺虛勞方

黃芪五物湯

黃芪五物卽桂枝去草內加三兩芪生薑倍用療血痺

身體不仁此首推

水六升煮取三升  
溫服七合日三服

陳靈石曰此卽桂枝湯去甘草之緩加黃芪之強有  
力者於氣分中調其血更妙倍用生薑以宣發其氣



氣行則血不滯而痺除此夫倡婦隨之理也

桂枝龍骨牡蠣湯

見上卷傷寒方桂枝湯類

天雄散

天雄散主固陰陽龍骨天雄三兩匡六兩桂枝八兩朮

酒調錢匕日三嘗

天雄炮龍骨各三兩白朮八兩桂枝六兩爲散酒服半錢匕日三

陳脩園曰天雄散一方註家疑爲後人所附而不知

此方絕大議論方中白朮爲補脾聖藥最得土旺生

金水源不竭納穀者昌精生於穀之義且又得桂枝

化太陽之水腑天雄溫少陰之水藏水體本靜而流  
不息者氣之動火之用也更佐龍骨以龍屬陽而宅  
於水借納散漫之火而歸根以成陰平陽秘之道

小建中湯

黃芪建中湯

二方俱見上卷傷寒方內

薯蕷丸

薯蕷丸主治虛勞風氣百疾此方超三十分積二十草

百枚大棗杵爲膏三薑二藪參膠七苓桔柴胡五分饒  
芎芎杏防冬朮六豆卷歸地麴桂包均宜十分和藥搗  
蜜丸彈大酒服高盡一百丸功可造凡諸不足總能調  
薯蕷三十分甘草二十分大棗百枚爲膏乾薑三分白  
藪二分人參阿膠各七分茯苓桔梗柴胡各五分芎藭  
芍藥杏仁防風麥冬白朮各六分豆黃卷乾地黃當歸  
神麴桂枝各十分爲末蜜丸彈子大空腹酒服一丸

徐忠可曰以四君四物養其氣血麥冬阿膠乾薑大  
棗補其肺胃而以桔梗杏仁開提肺氣桂枝行陽防  
風運脾神曲開鬱黃卷宣腎柴胡升少陽之氣白藪

化入營之風以薯蕷名丸者取其脾腎兼宜也

八味腎氣丸

見後婦人雜病中

酸棗仁湯

酸棗仁湯治不眠知苓二兩一芎甘棗仁二升宜先煮

虛勞虛煩服之安

棗仁二升知母茯苓各二兩甘草芎藭各一兩水八升煮棗仁得六升內

諸藥煮取三升分溫三服

尤在涇曰人寤則魂寓於目寐則魂藏於肝虛勞之

人肝氣不榮故以棗仁補斂之然不眠由於虛煩必

有燥火痰氣之擾故以知母甘草清熱滋燥茯苓芎  
藭行氣除痰皆所以求肝之治而宅其魂也

### 大黃廬蟲丸

大黃廬蟲治勞傷半升廬蟲十分黃二苓三草四芍藥  
一升桃杏一升蝨水蛭蟻蝻板百數一兩乾漆十地黃

蜜丸豆大酒服五緩中補虛絕妙方

大黃十分蒸廬蟲半升黃芩二兩生

甘草三兩芍藥四兩桃仁杏仁蝨蟲各一升水蛭蟻蝻  
各百枚乾漆一兩乾地黃十兩為末蜜丸小豆大酒服

五丸日

三服



尤在涇曰此方潤以濡其乾蟲以動其瘀通以去其  
閉而以地黃芍藥甘草和養其虛攻血而仍滋血也

○肺痿肺癰欬逆上氣方

甘草乾薑湯 見上卷傷寒方雜法內

射干麻黃湯

射干麻黃治欬聲三兩射干欬苑辛麻薑四兩棗枚七

半夏五味各半斤 射干欬冬花紫苑細辛各三兩麻黃  
生薑各四兩大棗七枚半夏五味各

半升水一斗二升先煮麻黃兩沸去  
上沫內諸藥煮取三升分溫三服

尤在涇曰射干紫苑欵冬利肺氣麻黃細辛生薑發  
邪氣半夏降逆大棗安中五味斂肺

皂莢丸

皂莢八兩去皮酥爲末蜜丸大似梧棗膏湯服治難臥  
上氣濁痰一旦蘇

愚按皂莢驅風利竅用以滌濁除垢丸服取其徐徐  
潤化自上而下棗膏和湯者藉以安胃也

厚朴麻黃湯

脈浮厚朴麻黃湯五朴四麻二辛薑杏仁夏味半升

小麥一升膏蛋量

厚朴五兩麻黃四兩細辛乾薑各二兩杏仁半夏五味各半升小麥一升

石膏如雞子大水

一斗二升先煮小麥熟去滓內諸藥煮取三升温服一升日三服

徐忠可曰欬而脈浮邪在肺家氣分之表故於小青

龍去桂芍草加厚朴下氣石膏清熱小麥輯心安胃

### 澤漆湯

澤漆湯治欬脈沉澤漆三升夏半升五兩白前薑紫苑

桂甘三兩並參苓

澤漆三升半夏半升白前生薑紫苑各五兩桂枝甘草人參黃芩各三兩



東流水五升煮澤漆取一斗五升九味咬咀  
內澤漆湯中煮取五升溫服五合至夜盡

徐忠可曰欬而脈沉邪在肺家營分之裏故君澤漆  
補腎氣以充腑氣紫苑能保肺白前能開結桂枝行  
陽散邪故以爲佐若餘藥卽小柴胡去柴胡大棗和  
解其膈氣而已

麥門冬湯

麥門冬湯麥七升粳米三合二草參半夏一升棗十二

火氣上逆此方靈

麥冬七升粳米三合人參甘草各二  
兩半夏一升大棗十二枚水一斗二

升煮取六升溫服  
一升日三夜一服

喻嘉言曰此胃中津液枯燥虛火上炎之證麥門冬  
湯乃治本之良法也凡病有胃氣則生無胃氣卽死  
胃氣者肺之母氣也仲景於人參麥冬甘草粳米大  
補中氣大生津液隊中增入半夏之辛溫一味其利  
咽下氣非半夏之功實善用半夏之功擅古今未有  
之奇矣

葶藶大棗瀉肺湯

葶藶大棗瀉肺湯 葶藶一丸熬令黃棗十二枚煎頓服

肺癰喘欬此方良

葶藶熬令色黃搗凡如彈子大水三升煮棗取二升內葶藶煮一升頓服

趙良曰此治肺癰喫緊之方也

尤在涇曰葶藶苦寒入肺洩氣閉加棗甘溫以和藥

桔梗湯

小青龍加石膏湯

見上卷傷寒方內麻黃湯類

越婢加半夏湯

見後水氣病方內

○奔豚方

奔豚湯

奔豚湯本治奔豚二兩歸芍芍草芩五兩生薑四薑夏

李根白皮用一升

當歸川芎芍藥甘草黃芩各二兩生薑五兩生薑半夏各四兩李根白皮

一升水二斗煮取五升去滓溫服一升日三夜一

沈明宗曰用芎歸白芍甘草調養厥陰少陽血氣之

正而邪自外出以生薑黃芩半夏生薑佐李根解半

表半裏之寒熱而逆可散蓋奔豚雖屬腎病然兼厥

陰少陽之邪而發者有之非僅寒邪一端致然也

桂枝加桂湯

茯苓桂枝甘草大棗湯

二方俱見上卷傷寒方內

○胸痺心痛短氣方

栝蘘薤白白酒湯 栝蘘薤白半夏湯

枳實栝蘘薤白桂枝湯

栝蘘薤白白酒湯 蘘仁一個搗之良半升 薤白七升酒

胸痺藉以宣心陽

三味同煮取二升分溫再服

心痛徹背不得臥 栝



萹薤白半夏湯加入半夏半升數三兩薤白斗酒量四味

同煮取三升温服一升日三服痞連胸脇搶心者枳實萹薤桂枝湯桂

枝一兩枳朴四薤萹分兩照原方枳實厚朴各四兩桂枝一兩萹實一枚薤

半升水五升先煮枳實厚朴取二升去滓內諸藥再煮數沸分温再服

愚按胸背者心肺之宮城陽虛陰湊則痺而不通主

之括萹薤白白酒湯者辛以開胸痺温以行陽氣也

若心痛徹背則氣閉塞而前後不通矣故減薤白之

苦滑加半夏之辛燥以開鬱行氣至於痞結在胸脇

下氣逆撞心者實也故用枳朴以破氣降逆而加桂枝以通陽開鬱虛者用桂枝人參湯主之

桂枝人參湯 見上卷傷寒方理中湯類

茯苓杏仁甘草湯、橘皮枳實生薑湯

桂枝生薑枳實湯

茯苓杏仁甘草湯胸痺短氣此堪嘗一草三苓杏五十

茯苓三兩杏仁五十個甘草一兩 胸中氣塞更有方三

水一斗煮取五升溫服一升日三 枳斤橘薑減半橘皮枳實生薑湯

橘皮一斤枳實三兩生薑半斤水五升

取二升分  
温再服

若是痞逆心懸痛三兩桂枝與生薑枳實五

兩能泄散方名卽從藥味詳

水六升煮取三升分温三服

愚按杏仁使肺氣下降茯苓導水濕下行甘草和中使邪去則痺開而氣不短矣胸中氣塞者陰氣挾外邪而上逆也故用橘枳下氣生薑散邪心懸痛者去橘皮加桂枝以通心陽也

### 薏苡附子散

薏苡附子散可師附子炮熟用十枚更有苡仁十五兩

胸痺緩急此方推 二味杵爲散服  
方寸匕日三服

魏念庭曰薏苡下氣寬胸附子温中散邪爲邪盛甚

而陽微亦甚者主法也

愚按胸痺緩急者胸痺痛而時緩時急也陳脩園謂

肝主通身之筋今筋時見緩急恐謬蓋胸痺本在胸

中若兼通身筋脈緩急則不得爲胸痺矣喻嘉言謂

胸中之陽痺而不舒其經脈所過非緩卽急較妥

烏頭赤石脂丸

心痛徹背背徹心烏頭赤石脂丸靈烏頭一分五錢附

赤石椒薑一兩均

烏頭一分炮附子半兩炮赤石脂蜀椒乾薑各一兩爲未蜜丸如梧子大

先食服一九日  
三服不知稍加

喻嘉言曰前後牽連痛楚氣血疆界俱亂若用氣分

諸藥轉益其痛勢必危殆仲景用蜀椒烏頭一派辛

辣以溫散其陰邪然恐胸背既亂之氣難安而卽於

溫藥隊中取用乾薑之泥赤石脂之澀以填塞厥氣

所橫衝之新隧俾胸之氣自行於胸背之氣自行於



背各不相犯其患乃除此煉石補天之精氣也

○腹滿寒疝宿食方

附子粳米湯

腹滿附子粳米湯寒痛雷鳴嘔吐傷炮附一枚棗一個

半升粳夏一甘嘗

附子一枚炮棗十枚甘草一兩半夏粳米各半升水八升煮米熟湯成去

滓溫服一升日三服

愚按附子溫中散寒半夏降逆止嘔粳米甘草大棗

補胃以和土土厚則邪難上越矣

厚朴七物湯、厚朴三物湯

厚朴七物 朴半斤 草黃三兩 五薑生棗十枳五桂枝二

腹滿脈浮數熱侵

厚朴半斤 大黃甘草各二兩 生薑五兩 桂枝二兩 大棗十枚 枳實五枚 水

一斗 煮取四升 溫服八合 日三

下利去黃 嘔加夏

加半夏 五合

寒多生薑用

半斤痛而閉者變承氣四黃八朴枳五仍朴枳先煎黃

後入厚朴三物是湯名

水一斗二升 煮枳朴取五升內 大黃煮取三升 溫服一升

愚按厚朴七物乃桂枝去芍合小承氣之複方也因

表裏之邪均未解故以兩解之法治之嘔者加半夏

以降逆寒多加生薑以散寒下利去大黃者以表未解恐胃氣重傷邪因而陷入也

尤在涇曰承氣意在蕩實故君大黃三物意在行氣故君厚朴

大柴胡湯

大承氣湯

二方俱見上卷傷寒方內

大建中湯

大建中湯治大寒心胸痛嘔食維艱乾薑四兩椒二合

參二飴升食粥安

獨椒二合炒去汗乾薑四兩入參二兩水四升煮取二升去滓內膠飴一

并微火煎取二升分溫再服如一炊頃可飲粥二升後更服當一日食糜溫覆之

陳脩園曰此心胃受寒陰氣上逆而痛甚也薑參飴

糖建立中氣椒性下行溫下焦之陽以勝上瀰之陰

### 大黃附子湯

大黃附子治結寒脇下偏痛脈緊弦三兩大黃三枚附

二兩細辛溫下先

水五升煮取二升分溫三服強人取二升半服後如人行四五里進一服

尤在涇曰陰寒成聚非溫不能已其寒非下不能去  
其結故曰陰寒聚結宜急以溫藥下之

赤丸

寒氣厥逆用赤丸烏頭二兩炮之先一兩細辛芩夏四

蜜丸朱色效非凡

烏頭二兩炮芩夏各四兩細辛一兩爲末蜜丸如麻子大真朱爲色

先食飲酒下三丸日再夜一服不知稍增以知爲度

徐忠可曰四肢乃陽氣所起寒氣格之故陽氣不順  
接而厥陰氣衝滿而逆故以烏頭細辛伐內寒芩半



以下其逆上之痰氣真朱爲色者寒則氣浮故重以  
鎮之且以護其心也真朱卽硃砂也

### 大烏頭煎

大烏頭用五枚煎去滓重烹蜜內添寒疝厥逆繞臍痛

汗出脈緊急沉弦

烏頭五枚熬去皮不咬咀以水三升  
煮取一升去滓內蜜二升煎令水氣

盡取二升強人服七合弱人服五  
合不差明日更服不可一日再服

喻嘉言曰繇內經心疝之名推之凡腹中結痛之處

皆可言疝不獨羣丸間爲疝矣然寒疝繞臍痛脈弦

經方歌括 卷下 三  
緊手足厥冷其候危矣故用烏頭之温合白蜜之甘  
入胃以建其中俾陽旺則邪自不能留也

當歸生薑羊肉湯

並加減法

當歸生薑羊肉湯三兩當歸五兩薑羊肉一斤同煮服

脇疼腹痛裏急良

水八升煮取三升  
温服七合日三服

寒多薑用一斤數

痛嘔宜加朮橘強白朮一兩橘皮二祛痰止嘔補中方

加生薑者亦加水五升  
煮取三升二合服之

李升璽曰疝屬肝病肝藏血其經布脇肋腹脇臁痛

者血氣寒而凝澁也當歸通經和血生薑溫中散寒  
裏急者內虛也用羊肉補之內經云形不足者溫之  
以氣精不足者補之以味是也

沈明宗曰當歸生薑養衝任而散風寒羊肉溫補營  
衛之氣痛而多嘔乃肝氣上逆臨胃故加橘朮補之  
陳靈石曰羊肉爲氣血有情之物氣味腥羶濃厚入  
咽之後卽與濁陰混爲一家旋得當歸之活血生薑  
之利氣而滯通通則不痛矣所謂先誘之而後攻之

者也

烏頭桂枝湯

瓜蒂散

二方俱見上卷傷寒方內

○五臟風寒積聚方

旋覆花湯

旋覆花湯三兩君於內用葱十四莖新絳少許乘熱服

肝着之病效通靈

右三味以水三升  
煮取一升頓服

愚按醫宗金鑑云旋覆花湯主之六字與肝着之病

不合當是衍文且此篇缺失甚多非獨斯方錯簡也

麻仁丸

見上卷傷寒方承氣湯類

甘薑苓朮湯

一名腎着湯

甘薑苓朮腎着方二兩甘朮四苓薑腰疼身重形如水

寒濕同驅法最良

甘草白朮各二兩乾薑茯苓各四兩水五升煮取三升溫三服腰中即溫

尤在涇曰寒濕之邪不在腎之中藏而在腎之外府

故其治不在溫腎以散寒而在燠土以勝水也



○痰飲欬嗽方

苓桂朮甘湯

見上卷傷寒方內

腎氣丸

見後婦人雜病中

甘遂半夏湯

甘遂半夏湯奇哉甘遂三枚芍五枚十二枚夏指大草

水煎加蜜留飲排

甘遂大者三枚半夏十二枚以水一升煮取半升去滓芍藥五枚甘草如

指大一枚炙水二升煮四味取半升去滓以蜜半升和藥汁煎取八合頓服之

梅

尤在涇曰甘遂與甘草相反而同用者欲其一戰而

留飲盡去也芍藥白蜜不特安中亦緩藥毒耳

十棗湯

大青龍湯

小青龍湯

已上三方俱見上卷傷寒方內

木防己湯 木防己去石膏加茯苓芒硝湯

木防己湯支飲施喘滿痞堅面色黧桂二防三參四兩

膏如雞子二枚宜

防己三兩桂枝二兩人參四兩石膏如雞子大二枚以水六升煮取二升

痰飲欬嗽方

分溫再服復發用此不愈者方內石膏合去之加硝三合苓

四兩溫服微利效稱奇

水六升煮取二升去滓內芒硝再微煮分溫再服微利則愈

李升璽曰木防己湯補虛散飲虛者受補即愈實者

飲邪固結不解故復發不愈乃寒氣凝聚未解故去石

膏恐寒胃也加茯苓淡以滲飲芒硝鹹以軟堅

### 澤瀉湯

澤瀉湯原治飲方五兩澤瀉二朮將心下支飲苦冒眩

補脾制水有專長

澤瀉五兩白朮二兩水二升煮取一升分溫再服

尤在涇曰水飲之邪上乘清陽之位則爲冒眩用澤瀉洩水氣白朮補土氣以勝水

### 厚朴大黃湯

厚朴大黃湯最工與小承氣法不同尺朴六黃枳枚四

支飲胸滿此能通

厚朴一尺大黃六兩枳實四枚以水五升煮取二升分溫再服

愚按此方與小承氣湯厚朴三物湯藥品皆同而分兩不同方名亦異故主治各有所宜也

### 葶藶大棗瀉肺湯

見前肺癰方內

小半夏湯、小半夏加茯苓湯、生薑半夏湯

小半夏湯有生薑嘔而不渴此法良半夏一升薑八兩

心下支飲用之強

水三升煮取一升半分溫再服

嘔吐心痞兼眩悸內

加茯苓四兩膏

名小半夏加茯苓湯水七升煮取一升半分溫再服

薑汁一升半

升夏又名生薑半夏湯胸中有似喘嘔噦憤憤無奈服

之康

以水三升煮半夏取二升內生薑汁煮取一升半小冷分四服日三夜一嘔止停後服

愚按半夏生薑辛能散逆溫能和胃故仲景於嘔吐

證必用之加茯苓者所以去其水也



己椒薤黃丸

己椒薤黃一兩同腹滿口乾腸水通四味蜜丸先食服

渴加芒硝半兩從

防己椒目葶薤大黃各一兩為未蜜丸如梧子大先食飲服一九日三服

稍增口中有津液渴者加芒硝半兩

程雲來曰防己椒目導飲於前大黃葶薤推飲於後

若渴加芒硝佐諸藥以下腹滿而救脾土

五苓散

見上卷傷寒方內

桂枝五味甘草湯

並加減四方

桂苓五味甘草湯四兩桂苓三草匡面熱氣衝時復冒

半升五味斂氣藏

桂枝茯苓各四兩五味半升甘草炙三兩水八升煮取三升去滓分溫三

服氣低胸滿反更欬去桂加入三辛薑

原方去桂加細辛乾薑各三兩

煮法同名苓甘五味薑辛湯溫服半升日三服

欬滿止而衝氣發嘔加半夏半

升量

於苓甘五味薑辛湯內加半夏半升名苓甘五味薑辛半夏湯煮服法同

水去嘔止形

腫者杏仁加入半升量

於前方內加杏仁半斤煮服法同名苓甘五味薑辛半夏杏仁

湯胃火止衝面如醉更加三兩生大黃

煮服法同名苓甘五味薑辛夏

杏仁大

黃湯

喻嘉言曰內外合邪之證惟有小青龍的對一方耳  
然而用小青龍須防衝氣自下而上重增濁亂也於  
是用桂苓五味甘草湯先治其衝氣衝氣卽低而反  
更欬胸滿再變前方去桂加乾薑細辛以治其咳滿  
咳滿卽止第三變而更復渴衝氣復發者以乾薑細  
辛爲熱藥也服之當遂渴而渴反止者爲支飲也支  
飲者法當冒冒者必嘔嘔者復內半夏以去其水水  
去嘔止第四變其人形腫者以水尙在表也加杏仁

主之第五變若面熱如醉此其胃熱上衝薰其面加大黃以利之嗟夫仲景治咳全不從咳起見去其支飲下其衝氣且及下衝氣法法中之法游刃空虛全半劃然已解何其神耶

徐忠可曰已上數方俱不去薑辛卽面熱如醉亦不去何也蓋以二味最能泄滿止嗽凡飲邪未去須以二味刻刻預防也按孫真人最得此秘觀麥門冬湯五味子湯補肺湯可見

○消渴小便不利淋病方

腎氣丸

見後婦人雜病中

五苓散

文蛤散

二方俱見上卷傷寒方內

栝蘘瞿麥丸

金匱栝蘘瞿麥丸二蘘一麥預苓三一枚炮附蜜丸服



水氣兼渴小便難

栝樓根二兩瞿麥一兩薯蕷茯苓各三兩附子一枚炮為末蜜丸如梧子

大飲服二九日三服不知增至七八丸以小便利腹中溫為度

陳靈石曰附子補下焦之火茯苓薯蕷補中焦之土

樓根清上焦之熱瞿麥專通水道清其源並治其流

蒲灰散 滑石白魚散 茯苓戎鹽湯

蒲灰散是利便方平淡無竒理法彰半分蒲灰三分滑

能除濕熱莫猜詳

蒲灰半分滑石三分為末飲服方寸匕日三服

更有滑石白

魚散亂髮同用二分良

滑石白魚亂髮燒各二分為散飲服方寸匕

八苓二

朮鹽彈大方名茯苓戎鹽湯

茯苓半斤白朮二兩戎鹽彈子大一枚先將茯苓白

朮煎成入戎鹽再煎分温三服

尤在涇曰蒲香蒲也甯原云香蒲去濕熱利小便合

滑石為清利小便之正法也別錄云白魚開胃下氣

去水氣血餘療轉胞小便不利合滑石為滋陰益氣

以利小便也綱目戎鹽即青鹽鹹寒入腎以潤下之

性而就滲利之職為驅除陰分水濕之法也按二散

可療外瘡多效

白虎加人參湯

猪苓湯

二方俱見上卷傷寒方內

○水氣病方

越婢湯·越婢加朮湯、越婢加半夏湯

風水治用越婢湯身腫脈浮汗熱傷二草三薑十二棗

石膏八兩六麻黃

麻黃六兩石膏半斤生薑二兩甘草二兩大棗十二枚水六升先煎麻黃

去滓內諸藥煮取三升分溫三服裏水脈沉面黃腫加惡風加附子一枚風水加朮四兩

朮四兩去濕良

於原方加白朮四兩煮服法同

欬喘肺脹脈浮大半夏

加入半升強

原方加半夏半升法同前

喻嘉言曰越婢湯者取其和緩之性較女婢尤過之而命名也

愚按麻黃石膏一苦溫一辛寒合以甘草薑棗通調營衛故在表之風水用之以發散也若裏水小便利而渴者亡津液也加白朮以生津止渴欬喘肺脹加半夏者開竅以滌其痰也

防己茯苓湯 防己黃耆湯 見前濕病中

防己茯苓湯可師肢腫聶動水在皮草二防耆桂三兩

茯苓六兩最相宜 防己黃耆桂枝各三兩茯苓六兩甘草二兩水六升煮取三升分溫三服

徐忠可曰藥亦同防己黃耆湯但去朮加桂苓者風

水之濕在經絡近內皮水之濕在皮膚近外故但以

苓協桂滲周身之濕而不以朮燥其中氣也不用薑

棗者濕不在上焦之營衛無取乎宣之也

甘草麻黃湯



甘草麻黃湯不凡越婢加朮一例看甘須二兩麻黃四

重覆取汗慎風寒

甘草二兩麻黃四兩水五升煮麻黃去沫內甘草煮三升溫服一升重覆

汗出不汗再

服慎風寒

愚按此治裏水之方也或疑裏水不當用麻黃裏字  
恐皮字之誤陳脩園謂非藏府之裏乃風水深入肌  
內此解甚妥故越婢加朮湯主之甘草麻黃湯亦主  
之發其汗使水從皮膚出也

黃耆芍藥桂枝苦酒湯

着芍桂枝苦酒湯身腫脈沉汗出黃耆五兩為君主

桂芍均三苦酒勳

黃耆五兩桂枝芍藥各三兩苦酒一升水七升相合煮取三升溫服一升

當心煩服至六七日乃解若心煩不解者以苦酒阻故也

醫宗金鑑曰黃耆桂枝解肌邪以固衛氣白芍苦酒

止汗液以攝營氣營衛調和其病已矣

麻黃附子湯

桂枝加黃耆湯

二方俱見上卷傷寒方內

蒲灰散 見前消渴方內

桂甘薑棗麻辛附子湯

桂枝去芍照原方更合麻辛附子湯心下如盤堅大者

氣分藉以轉陰陽 水七升煮麻黃去沫內諸藥煮取二升分三服當汗出如蟲行皮中即愈

陳脩園曰此是心腎交病上不能降下不能升日積

月累如鉄石難破用麻桂生薑以攻其上附子細辛

以攻其下甘草大棗補中焦以運其氣庶上下之氣

交通而病可愈所謂大氣一轉其結乃散也

# 枳朮湯

水飲作用枳朮湯心下堅大如盤良白朮二兩枳朮七

腹奕當知是妙方

枳實七枚白朮二兩水五升煮取三升分三服腹中奕即當散也

尤在涇曰言水飲所作者所以別於氣分也氣無形以辛甘散之水有形以苦泄之

李升靈曰張元素治痞用枳朮丸從此化出但此乃飲則用湯以蕩滌之彼屬食積則用丸以消磨之

## ○黃癰病方

硝石礬石散

女勞瘵用硝礬散等分麥汁和服良服後欲知病去候

大便正黑小便黃

硝石熬黃礬石燒等分爲散大麥粥汁和服方寸匕日三病隨大小便去

徐忠可曰硝石能散虛鬱之熱礬石能却水以大麥粥調服益土以勝水也

茵陳蒿湯

梔子大黃湯

桂枝加黃耆湯



茵陳五苓散

小柴胡湯

小建中湯

己上六方俱見上卷傷寒方內

猪膏髮煎

猪膏髮煎治諸黃八兩猪膏古法良亂髮三枚雞子大

髮消藥熟服之康

分再服病從小便出

愚按猪膏潤燥藉亂髮之力引入血分使從小便出

也千金云太醫校尉史脫家婢黃病服此神驗

### 大黃硝石湯

金匱大黃硝石湯四兩黃蘗並硝黃梔子五枚療黃瘰  
腹滿自汗下之良

喻嘉言曰大黃硝石蕩邪開結又藉蘗皮梔子寒下  
之力以清解其熱也

### 小半夏湯

見前痰飲方中

### ○驚悸吐衄下血方

經方歌括 卷一  
半夏麻黃丸

半夏麻黃等分施煉蜜爲丸小豆宜心悸飲服日三數  
升陽蠲飲此方推

尤在涇曰半夏蠲飲氣麻黃發陽氣妙在作丸與服  
緩以圖之則麻黃之辛甘不能發越津氣而但能升  
引陽氣卽半夏之苦辛亦不特蠲除飲氣而並和養  
中氣非仲景神明善變其孰能與於此哉

柏葉湯

吐血不止柏葉湯二兩柏葉與乾薑馬通汁和三把艾

合煮溫服法最良

三味以水五升取馬通汁一升合煮取一升分溫再服

程雲來曰神農經云柏葉主吐血乾薑止唾血艾葉  
止吐血馬通者白馬尿也凡尿必達洞腸乃出故曰  
通亦微溫止吐血四味皆辛溫行陽之品使血歸經  
遵行隧道而血自止故吐血不止以柏葉湯主之也

### 黃土湯

黃土湯用土半斤草膠朮附地黃芩各味均勻三兩整

一切血證此方珍

竈中黃土半斤甘草乾地黃阿膠白朮附子炮黃芩各三兩水八升煮取

三升分  
溫再服

王晉三曰先便後血為遠血明指肝經別絡之血因脾虛陽陷生濕血亦就濕而下行主之以竈心黃土溫燥而去寒濕佐以生地阿膠黃芩入肝以治血熱白朮甘草附子扶陽補脾以治本虛

瀉心湯

血症有用瀉心湯一兩芩連二兩黃心氣不足致吐衄



煮取一升頓服良

大黃二兩黃芩黃連各一兩以水三升煮取一升頓服之

愚按此火邪盛而迫血妄行之治法也血為心液血傷則心失所養而虛矣故用大苦大寒之品以清其火火息而吐衄自止也且芩連瀉心之熱即以補心之虛又得大黃去瘀生新深有合於釜下抽薪之義

桂枝去芍藥加蜀漆牡蠣龍骨救逆湯

此方治驚悸

見上卷傷寒方內

赤小豆散

經方次舌

卷下驚悸吐衄下血方

四

治下血先血後使

見前狐貳方內

○嘔吐噦下利方

吳茱萸湯

半夏瀉心湯

黃芩加半夏生薑湯

三方俱見上卷傷寒方內

小半夏湯

見前痰飲

猪苓散

猪苓散治嘔吐方嘔餘思水與之良猪茯苓朮各等分

杵散飲服保安康

猪苓茯苓白朮各等分杵為散飲服方寸匕日三

魏念庭曰猪苓散利水補土以治濕邪者治渴而即  
以治上逆之嘔吐也

小柴胡湯

四逆湯

二方俱見上卷傷寒方內

大半夏湯

大半夏湯夏二升一升白蜜三兩參甘瀾水煮分再服

嘔吐反胃此方靈

水一斗二升和蜜揚之二百四十遍煮藥取二升半分溫再服

高士宗曰半夏助燥氣以消穀人參補元氣以安胃  
白蜜入水揚之使甘味散於水中水得蜜而和緩蜜  
得水而淡滲庶胃反平而嘔吐愈

李升壘曰嘔家不宜甘味此用白蜜何也不知胃反  
屬脾虛經所謂甘味入脾歸其所喜是也况君半夏  
味辛而止嘔佐人參溫氣而補中胃反自立止矣

大黃甘草湯

大黃甘草湯最奇食已即吐此方施大黃四兩甘二兩

兩熱相衝可下之

水三升煮取一升分溫再服

愚按食已即吐乃胃熱不能容食兩熱相衝故以大黃折之使速於下行甘草安中不致傷胃也

茯苓澤瀉湯

茯苓澤瀉湯細參八枚三朮二桂甘四兩澤瀉澤後煮

吐而渴者服之三

茯苓半斤白朮三兩桂枝甘草各二兩澤瀉生薑各四兩水一斗先煮六



味取三升內澤瀉再煮取  
二升半溫服八合日三服

徐忠可曰此方於五苓散中去猪苓者以胃反證水  
從嘔出中無水氣而渴也加生薑甘草者合苓朮等  
藥以解表裏之虛邪更能和中而止嘔也

外臺方云茯苓澤瀉湯治消渴胃反脈絕

### 文蛤湯

吐而貪飲文蛤湯文蛤石膏五兩量十二枚棗五十杏

麻甘三兩等生薑

文蛤石膏各五兩麻黃甘草生薑各  
三兩大棗十二枚杏仁五十粒水六

升煮取二升溫服  
一升汗出卽愈

愚按此方卽大青龍去桂枝加文蛤也文蛤逐水石  
膏清熱治渴兼治風水故並主微風脈緊頭痛

### 半夏乾薑散

半夏乾薑散殊科吐而乾嘔涎沫多等分杵散漿水煮

胃腑虛寒藉以和二味等分爲散取方寸匕漿  
水一升半煮取七合頓服之

生薑半夏湯 見前小半夏湯歌內

橘皮湯、橘皮竹茹湯

橘皮湯內有生薑橘皮四兩薑八量噦而乾嘔手足厥

此爲氣逆一服康

水七升煮取三升溫服一升下咽卽愈

噦逆更用二斤

橘一參五草八兩薑二升竹茹棗三十又名橘皮竹茹

湯

橘皮二斤竹茹二斤大棗三十枚生薑半斤甘草五兩人參一兩水一斗煮取三升溫服一升日三

程雲來曰橘皮能降逆氣生薑嘔家聖藥小劑以和

之也乾嘔非反胃厥非無陽故下咽氣行卽愈

尤在涇曰胃虛而熱乘之則作噦逆橘皮生薑和胃

散逆竹茹除熱止嘔噦人參甘草大棗益虛安中

四逆湯

桂枝湯

大承氣湯

小承氣湯

桃花湯

白頭翁湯

梔子豉湯

通脈四逆湯

經方欬活

卷下

嘔吐噦下利方

四

以上數方俱治下利見傷寒方內

紫參湯、訶黎勒散

下利肺痛紫參湯紫參八兩草三匡氣利更用訶黎勒

十枚爲散粥和良

紫參八兩甘草三兩水五斗先煮紫參取二升內甘草煮取一升半分溫

三服○訶黎勒十枚煨一味爲散粥飲和頓服

喻嘉言曰後人疑二方非仲景之方詎知腸胃有病

其所關全在於肺本草謂紫參主心腹中積聚療腸胃中熱通九竅利大小便仲景取之固通因通用之



意也訶黎勒有通有塞通以下涎液消宿食破結氣  
澁以固腸脫仲景取之亦通塞互用之意也可見肺  
氣不通而痛則急通其壅大腸之氣墜而逼迫則通  
塞互用而緩調其適矣

○瘡癰腸癰浸淫病方

薏苡附子敗醬散、大黃牡丹湯

薏苡附子敗醬散專治腸內有癰膿附宜二分苡仁十

敗醬還須五分從

薏苡仁十分附子二分敗醬五分爲  
散取方寸七以水二升煎減半頓服

小便當下膿未成時可議下大黃牡丹湯可宗瓜子半升桃

五十四黃一牡三硝融

大黃四兩牡丹一兩桃仁五十個冬瓜仁半升芒硝三合水六

升煮五味取一升去滓內芒硝再煎數沸頓服之有膿下膿無膿下血

前方氣從小便利

此方直從大便攻

徐忠可曰薏苡寒能除熱兼下氣勝濕利腸胃破毒

腫為君敗醬善排膿破血利結熱毒氣故以為臣附子導

熱行結故為反佐

李升璽曰大黃芒硝泄熱桃仁行瘀丹皮逐血痺去

血分中伏火瓜子主潰膿血

王不留行散

王不留行治金瘡十分蒴藿與留桑蜀椒三分草十八  
二分芩芍朴乾薑留蒴桑皮燒存性別杵合治爲散良

小瘡卽粉大瘡服產後亦可服無殃

王不留行八月八日采蒴藿細葉七

月七日采桑東南根白皮三月三日采各十分蜀椒三分黃芩芍藥厚朴乾薑各二分甘草十八分右九味王不留行蒴藿桑皮三味燒存性各別搗篩合治之爲散服方寸匕小瘡卽粉之大瘡但服之產後亦可服

徐忠可曰此乃概治金瘡方也蓋王不留行性苦平

能通利血脈故反能止金瘡血逐痛蒴藿亦通利氣  
血尤善開痺周身肌肉肺主之桑根白皮最利肺氣  
東南根向陽生氣尤全以復肌肉之生氣故以此三  
物甚多爲君甘草解毒和營尤多爲臣椒薑以養其  
胸中之陽厚朴以疏其內結之氣芩芍以清其陰分  
之熱爲佐若有風寒此屬經絡客邪桑皮止利肺氣  
不能逐外邪故勿服

排膿散、排膿湯、黃連粉

排膿散藥本靈台枳實爲君十六枚六分芍分桔二分

雞黃一個簡而眩

枳實十六枚芍藥六分桔梗二分爲散取雞子黃一枚以藥散與雞黃相

等揉和令相得飲和服之日一

排膿湯與散相異一兩生薑二草偕大

棗十枚桔三兩通行營衛妙量裁

甘草二兩生薑一兩大棗十枚桔梗三兩

水三升煮取一升溫服五合日再

更有浸淫瘡治法黃連粉本失從來

陳靈石曰枳梗行氣滯芍藥通血滯妙在揉入雞子

黃取有情之物以養心脾則排之之法獨得其本也

又曰取桔薑之辛甘棗之甘辛甘發散爲陽令毒從



陽化而出黃連粉疑卽黃連爲粉敷之甚者內服

○跌蹶手指臂腫轉筋狐疝虻蟲病方

藜蘆甘草湯、雞矢白散、蜘蛛散

藜蘆甘草失原方體潤臂腫細參詳轉筋方用雞矢白

爲散水和溫服良

雞矢白爲散取方寸匕以水六合和溫服

狐疝主以蜘蛛

散十四枚熬法異常桂枝半夏爲末服飲和蜜丸任裁

量

蜘蛛十四枚熬焦桂枝半兩爲散取八分一匕飲和服日再蜜丸亦可

尤在涇曰內經云諸暴強直皆屬於風轉筋入腹者

脾土虛而肝木乘之也雞爲木畜其屎反利脾氣故  
治是病且以類相求則尤易也蜘蛛有毒服之能令  
人利合桂枝辛溫入陰而逐其寒濕之氣也

### 甘草粉蜜湯、烏梅丸

甘草粉蜜湯治蟲吐涎心痛藥難攻二甘一粉四兩蜜

煮分先後取消融

水三升先煮甘草取二升去滓內粉蜜攪令和煎如薄粥溫服一升差卽

止臟寒虻厥時煩者烏梅丸法是其宗

歌解俱見上卷傷寒方內

徐忠可曰白粉殺蟲甘草與蜜旣以和胃又以誘虻

也○愚按白粉卽鉛粉本草胡粉辛寒主殺三蟲

○婦人妊娠病方

桂枝湯

治妊娠惡阻 方見上卷傷寒方內

徐忠可曰妊娠初得上下本無病因子宮有礙氣溢上下故但以芍藥一味固其陰氣使不得上溢以桂甘薑棗扶上焦之陽而和其胃氣但令上焦之陽氣充能禦相侵之陰氣足矣未嘗治病正所以治病也

桂枝茯苓丸

桂枝茯苓丸下癥漏下胎動此方靈桂苓丹芍桃等分

陰陽氣血妙調停

桂枝茯苓丹皮芍藥桃仁等分爲末煉蜜丸如兔屎大每日食前服一丸

不知加

至三丸

陳芝亭曰桂枝芍藥一陽一陰茯苓丹皮一氣一血合之桃仁逐蠶而不傷新蜜丸緩服所以爲佳

附子湯

治胎脹腹痛惡寒少腹如扇方缺疑卽傷寒附子湯

# 膠艾湯

漏下胞阻膠艾湯清酒三升六地黃艾歸三兩芍藥四

二兩芎膠甘草匡

乾地黃六兩川芎阿膠甘草各二兩  
艾葉當歸各三兩芍藥四兩水五升

清酒三升合煮取三升去滓內膠  
令消盡溫服一升日三不差更作

陳靈石曰芎歸芍地補血之藥也然血不自生生於

陽明水穀故以甘草補之阿膠滋血海為胎產百病

之要藥艾葉煖子宮為調經安胎之專品合之為厥

陰陽明少陰及衝任兼治之神劑也後人去甘草阿



膠艾葉名爲四物湯則板實而不靈矣

### 當歸芍藥散

妊娠當歸芍藥散芩朮四兩芍歸三半斤澤瀉一斤芍

疝痛酒和服之安

當歸川芎各三兩芍藥一斤茯苓白朮各四兩澤瀉半斤爲散取方寸匕

酒和日

三服

徐忠可曰疝痛者綿綿而痛不若寒疝之絞痛血氣之刺痛也乃正氣不足使陰得乘陽而水氣勝土脾鬱不伸鬱而求伸正氣不調則痛綿綿矣故以歸芍

養血苓朮扶脾澤瀉瀉其有餘之陽水芎藭暢其欲  
遂之血氣不用黃芩疴痛因虛則稍挾寒也然不用  
熱藥原非大寒正氣充則微寒自去耳

乾薑人參半夏丸

乾薑人參半夏丸妊娠嘔吐胃中寒一兩薑參二兩夏

薑汁糊丸服之安

乾薑人參各一兩半夏二兩生薑汁糊爲丸如梧子大飲服十九日三

程雲來曰寒在胃脘則令嘔吐不止故用乾薑散寒

半夏生薑止嘔人參和胃半夏乾薑能下胎婁全善

云余治娠阻病累用半夏未嘗動胎亦有故無殞之  
義臨病之工何必拘泥

尤在涇曰陽明之脈順而下行者也有寒則逆有熱  
亦逆逆則飲必從之寒逆用此方熱逆用外臺方青  
竹茹橘皮半夏各五兩生薑茯苓各五兩麥冬人參  
各三兩爲治胃熱氣逆嘔吐之法可補仲景之未備  
當歸貝母苦參丸

當歸貝母苦參丸飲食如常小便難三味爲末各四兩

蜜丸飲服自平安 丸如小豆大飲服  
三丸加至十九

尤在涇曰此血虛熱鬱而津液瀯少也當歸補血苦

參除熱貝母主淋瀝邪氣熱除而淋瀝愈矣

葵子茯苓散

妊娠葵子茯苓散頭眩身重復惡寒葵子一升苓三兩

小便若利自安然 二味為散飲服  
方寸匕日二服

愚按此妊娠有水氣者之主方也故專於通竅利水

但葵子能滑胎未可輕用

當歸散

當歸散主妊娠方歸芎芩芍一斤當半斤白朮安中土

酒和常服保安康

當歸川芎黃芩芍藥各一斤白朮半斤爲散酒服方寸匕日再服妊娠常

服卽易產胎無疾苦  
產後百病悉主之

尤在涇曰妊娠最慮熱傷故於芎歸芍藥養血之中

用黃芩以清熱佐白朮以和胃也丹溪稱黃芩白朮

爲安胎聖藥夫芩朮非能安胎者我也去其濕熱其胎

自安耳



白朮散 並加減法

白朮散方主養胎白朮芎椒三分偕牡蠣一分杵為散

酒服日三夜一佳

按舊本三物各三分牡蠣闕之徐靈胎云原本無分兩觀方下云日三服

夜一服者牡蠣用一分可也

苦痛芍藥加最美

但苦痛加芍藥

心下毒痛倍

芎排 心下毒痛倍加芎藭

心煩吐痛不能食加夏廿枚一辛裁 心煩

吐痛不能飲食加細辛一兩半夏大者二十枚服之後更以醋漿水服之

若嘔頻吞醋漿水

不解小麥煮汁培

若嘔以醋漿水服之復不解者小麥汁服之

已後渴者大

麥粥病愈服之勿徘徊

已後渴者大麥粥服之病雖愈服之勿置

尤在涇曰妊娠傷胎有因熱者亦有因寒者隨人藏  
氣之陰陽而各異也當歸散正治熱之劑白朮散君  
白朮和胃臣川芎調血使蜀椒去寒佐牡蠣安胎則  
正治寒之劑也仲景並列此其所以昭示後人者深  
矣

○婦人產後方

小柴胡湯

大承氣湯

經方

婦人產後方

三

二方俱見上卷傷寒方內

當歸生薑羊肉湯

治產後腹中疴痛

方見前寒疝

枳實芍藥散·下瘀血湯

枳實芍藥產後方枳實微燒芍等量腹痛煩滿不得卧

散調大麥粥堪嘗

二味為散服方寸匕日三并主癰膿大麥粥下之

假令不愈

血着臍更須用下瘀血湯廬蟲二十熬去足廿粒桃仁

三兩黃煉蜜為丸酒煮服新血下如豚肝良

大黃三兩桃仁二十一

個麤蟲二十枚去足熬共爲末煉蜜和爲四丸以酒一升煮一丸取八合頓服之新血下如豚肝

陳脩園曰此調和氣血之滯所謂通則不痛之輕劑也下以大麥粥兼和其肝氣而養心脾故亦主癰膿程雲來曰麤蟲主開血閉大黃主攻瘀血桃仁主破死血

竹葉湯 並加法

竹葉湯治產後風一防桔桂草參同葛三薑五附枚一

棗十五枚竹把充

竹葉一把葛根三兩防風桔梗桂枝人參甘草各一兩生薑五兩大棗十

五枚水一斗煮取二升半  
分溫三服溫覆使汗出

頸項強用大附子

用大附子一枚破之

如豆大煎藥揚去沫嘔加半夏半升從

嘔者加半夏半升

程雲來曰證中未至背反張而發熱面赤頭痛亦風  
瘕之漸故用竹葉主風瘕防風治內瘕葛根療剛瘕  
桂枝治柔瘕生薑散風邪桔梗除風痺辛以散之也  
又佐人參生液以養筋附子補火以致水合之甘草  
以和諸藥大棗以助十二經同諸風劑則發中有補  
爲產後中風之大劑也



竹皮大丸

竹皮大丸治乳虛竹茹石膏二分俱桂微一分草七分

棗丸飲服效徐徐

生竹茹石膏各二分桂枝白微各一分甘草七分末之棗肉和丸彈子大

飲服一丸日三夜二

有熱白微應加倍喘加柏實一分需

徐忠可曰乳汁去多則陰血不足而胃中亦虛陰虛

不能勝陽則火上壅而煩氣上越而嘔然而藥止用

竹茹桂甘石膏白微者蓋中虛而至爲嘔煩則膽府

受邪煩嘔爲主病故以竹茹之除煩止嘔者爲君胸

中陽氣不升故以桂甘扶陽而化其逆氣者爲臣石  
膏涼上焦氣分之虛熱爲佐白微去表間之浮熱爲  
使要知煩亂嘔逆而無腹痛下利等證雖虛無寒可  
疑也妙在加桂於涼劑中尤妙在甘草獨多散蘊蓄  
之邪復清陽之氣故無一補劑而反註曰安中益氣  
神哉喘加柏實柏得西方金氣潤肝木而養心則肺  
不受燥喘自平也有熱倍白微蓋白微能去浮熱觀  
小品二加龍骨湯可知矣

陽旦湯 見上卷傷寒方桂枝湯類

白頭翁加甘草阿膠湯

治產後下利虛極者 見上卷傷寒方內

○婦人雜病方

小柴胡湯

治婦人中風經水適斷熱入血室 見上卷傷寒方內

半夏厚朴湯

半夏厚朴湯治痰狀如炙臍結於咽四苓五薑二蘇葉

新方歌括 卷一  
半夏一升厚朴三

半夏一升厚朴三兩茯苓四兩生薑五兩蘇葉三兩水七升煮取四升分

溫四服日

三夜一服

醫宗金鑑曰咽中如有炙臠卽今之梅核氣病也此病由於七情鬱氣凝涎而生故用半夏厚朴生薑辛以散結苦以降逆茯苓佐半夏以利飲行涎紫蘇芳香以宣通鬱氣俾去舒涎去自愈此證男子亦有之

### 甘麥大棗湯

甘麥大棗臟燥方象如神靈欲悲傷三兩甘草一升麥

十枚大棗力相當 甘草三兩小麥一升大棗十枚水六升煮取三升分溫三服亦補脾氣

陳脩園曰麥者肝之穀也其色赤得火色而入心其氣寒乘水氣而入腎其味甘具土味而歸脾胃又合之甘草大棗之甘妙能聯上下水火之氣而交會於中土也

### 小青龍湯

治婦人吐涎沫 方見上卷傷寒方內

### 瀉心湯

經方次舌  
婦人雜病方  
三



治婦人吐涎沫誤下成痞服前方涎沫止乃用此湯治

痞 方見前驚悸中

溫經湯 此首錄陳靈石金匱方歌

溫經芎芍草歸人膠桂丹皮二兩均半夏半升麥倍用

黃薑三兩對君陳

人參當歸川芎芍藥甘草阿膠丹皮桂枝各二兩半夏半升麥冬一升吳

茱萸生薑各三兩一本生薑二兩水一斗煮取三升分溫三服

尤在涇曰吳茱萸桂枝丹皮入血散寒而行其瘀芎

歸芍藥麥冬阿膠以生新血人參甘草薑夏以正脾

氣益瘀久者營必衰下多者脾必傷也

陳靈石曰細釋方意以陽明爲主用吳茱萸驅陽明  
中土之寒卽以麥門冬滋陽明中土之燥一寒一熱  
不使偶偏所以謂之溫也用半夏生薑者以薑能去  
穢而胃氣安夏能降逆而胃氣順也其餘皆相輔而  
成溫之之用絕無逐瘀之品故過期不來者能通之  
月來過多者能止之少腹寒而不受胎者能治之  
統治帶下三十六病其神妙不可言矣

土瓜根散 膠薑湯 方闕

土瓜根散主調經帶下腹痛瘀血停桂芍廬瓜三分等

陰陽和協自安甯 四味為散酒服方寸匕日三 若是陷經漏下黑膠

薑方闕證自明 或云卽是阿膠乾薑二味煎服林云卽是膠艾湯

陳脩園曰土瓜卽王瓜也主驅熱行瘀佐以廬蟲蟪

動逐血桂芍之調和陰陽為有制之師

旋覆花湯

治婦人虛寒半產漏下 方見前積聚

大黃甘遂湯

大黃甘遂湯主攻水血俱停血室中大黃四兩遂膠二

定教頓服立能通

大黃四兩甘遂阿膠各二兩水三升煮取一升頓服其血當下

愚按原文云少腹滿如敦狀小便微難而不渴生後者此水與血俱結在血室也此方乃水血並攻之法

抵當湯

治婦人經水不利屬實者 方見上卷傷寒方承氣湯類

礬石丸 紅藍花酒

礬石丸治經不通堅癖有時下白膿燒礬三分杏一分

蜜丸棗核內臟中

礬石三分燒杏仁一分為末煉蜜丸棗核大內臟中劇者再內

更有

紅藍花酒法專治六十二種風

酒一大升煎減半頓服一半未止再服

尤在涇曰礬石燥濕水杏仁潤乾血也

愚按六十二種風無考血氣刺痛此酒誠要方也

當歸芍藥散

治婦人腹中諸疾痛

方見前妊娠

小建中湯



治婦人腹中痛

歌見上卷傷寒方內

腎氣丸

腎氣丸本治轉胞丹澤苓三地八饒四兩薯蕷桂附一

溫經煖腎此方超

乾地黄八兩薯蕷山茱萸各四兩茯苓丹皮澤瀉各三兩桂枝附子炮各

一兩爲末煉蜜丸如梧子大酒下十五丸加至二十九日再服

陳脩園曰腎氣丸爲溫腎化氣之良方若小便多者

大爲禁劑自王太僕著元和經極贊其功然用者頗

少至薛立齋以之統治百病趙養葵之醫貫奉爲神

丹李士材張景岳因之以治本一說文其模糊兩可  
之術誤人不少

陳靈石曰方中地黃山藥固腎臟之陰山茱萸附子  
補腎臟之陽桂枝化腑氣茯苓行水道妙在澤瀉形  
圓善轉俾腎氣旺則能充於胞而系自正系正則小  
便不利者而可利矣又主虛勞腰痛少腹拘急小便  
不利者以腰爲腎之外腑腎司開闔主骨髓與膀胱  
相表裏若少陰精氣虛不能主骨則腰痛少陰陽氣

虛不能通腑則少腹拘急小便不利本方補益真陰  
蒸動水氣使陰平陽秘開闔之樞自如故能治虛勞  
之病然小便利者不宜服之以其滲泄而更劫陰也

蛇牀子散、狼牙湯

錄陳靈石金匱方歌

胞寒外候見陰寒納入蛇牀佐粉安

蛇牀子一味末之  
以白粉少許和合

相得如棗大綿裹  
內陰中自然溫

更有陰瘡蠹爛者狼牙三兩洗何難

以水四升煮取半升以綿裹如繭浸湯瀝陰中日四  
遍○按狼牙乃狼牙草也如無以狼毒代之亦可

沈明宗曰寒從陰戶所受當溫其受邪之處則病得

續方歌括 卷一  
愈故以蛇床子一味大熱溫助其陽納入陰中俾子  
宮得暖邪去而病自愈矣

李升璽曰陰中生瘡蝕爛皆濕熱所致狼牙味苦性  
寒寒能勝濕苦能殺蟲故王洗之

膏髮煎

治陰吹歌見黃痺

小兒疳蟲蝕齒方

錄陳靈石金匱方歌

忽然出此小兒方本治疳蟲蝕齒良葶雄黃脂點烙

闕疑留與後推詳

雄黃葶歷二味末之取腊月猪脂鎔  
以槐枝綿裹頭四五枚點藥烙之



經方歌括卷下終

璧邑梓人朱子榮